

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U VISOKOM  
Broj: 41 0 K 092077 23 K  
Visoko, 08.09.2023. godine

## U IME FEDERACIJE BOSNE I HERCEGOVINE

Općinski sud u Visokom, po sudiji A.A. uz sudjelovanje zapisničara S.D., u krivičnom predmetu protiv optužene H.S.F. , zbog krivičnog djela nasilje u porodici iz člana 222. stav 1. KZ F BiH, rješavajući po optužnici Kantonalnog tužilaštva-tužiteljstva Zeničko-dobojskog kantona broj T04 0 KT 0047681 21 od 28.02.2022.godine , nakon zaključenog glavnog javnog pretresa, održanog dana 08.09.2023. godine u prisustvu Kantonalnog tužitelja M.M., i optužene H.S.F. u prisustvu branioca advokata H.K. branioca po službenoj dužnosti, na pretresu 08.09.2023.godine , donio je i javno objavio :

## P R E S U D U

**OPTUŽENA:** H.S.F., kći J. i majke L. rođene S., rođena ..... godine u B. P., R C. G. trenutno nastanjena u V., u ulici Č. bb po Cipsu, a trenutno se nalazim u T. i sudu ću naknadno dostaviti adresu gdje može dostavljati pismena, pismeno se može dostavljati na adresu kod mog oca ul. K. - B. p., pismena se mogu dostavljati i braniocu advokatu H. K., sa završenom SSS, po zanimanju turistički radnik, lošeg imovnog stanja, nezaposlena, majka dvoje djece od kojih jedno mlđb., ....., državljanka C. G., JMB: .....,

## KRIVA JE

što je,

dana 05.11.2021. godine, na području općine B., u porodičnoj kući koja se nalazi na adresi M. bb, drskim i bezobzirnim ponašanjem ugrozila mir, tjelesnu cjelovitost i psihičko zdravlje člana svoje porodice, muža H. E. sa kojim živi u zajedničkom domaćinstvu, na način da ga je, u prisustvu njihove kćerke H. S. i mlđb. sina H.S. (rođenog 07.11.2005. godine), ugrizla za desnu podlakticu, a nakon toga ga rukama davila i čupala, svjesna da ovako bezobzirnim ponašanjem ugrožava spokojstvo, tjelesnu cjelovitost i psihičko zdravlje člana svoje porodice, a to je i htjela,

dakle, nasiljem ugrozila mir, tjelesnu cjelovitost i psihičko zdravlje člana svoje porodice.

čime je počinila krivično djelo nasilje u porodici iz člana 222. stav 1. KZ F BiH.

Pa sud optuženoj na osnovu istog zakonskog propisa: te na osnovu članova: 42., 49. i 62. KZ FBiH, i z r i č e

## USLOVNU OSUDU

Kojom se optuženom za počinjeno krivično djelo utvrđuje kazna zatvora u trajanju od 2(dva)mjeseca, a koja se neće izvršiti ako optužena za vrijeme od 1(jedne) godine ne počini novo krivično djelo.

Na osnovu člana 202. stav 4. ZKP FBiH, optužena se oslobađa plaćanja troškova krivičnog postupka i isti padaju na teret sredstava suda.

### Obrazloženje

Kantonalno tužilaštvo Zeničko-dobojskog kantona (u daljem tekstu KT ZDK), optužnicom broj T04 0 KT 0047681 21 od 28.02.2022.godine, optužilo je H.S.F., zbog krivičnog djela nasilje u porodici iz člana 222. stav 1. KZ F BiH., (Službene novine Federacije BiH br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17), (dalje u tekstu KZ FBiH).

Optužnica je potvrđena od strane sudije za prethodno saslušanje ovog suda dana : 04.03.2022. godine. Dana 15.02.2023. godine na ročištu o izjašnjenju o krivnji, optužena H.S.F. se izjasnila da nije kriva za krivično djela koje joj se stavlja na teret.

Na glavnom pretresu održanom 08.09.2023. godine, prije izvođenja dokaza, optužena H.S.F. priznala je krivnju za krivična djela koje joj se stavlja na teret i to: nasilje u porodici iz člana 222. stav 1. KZ F BiH, a njeno priznanje je prema ocjeni ovog suda u saglasnosti sa dokazima u koje je sud izvršio uvid i to: zapisnik o saslušanju svjedoka -oštećeni H. E., sin F., iz B., ulica B. broj 52,-H. S., kći E., iz B., ulica B. broj 52,H. S., sin E., iz B., ulica B. broj 52, nalaz i mišljenje ljekara specijaliste JU Dom zdravlja B. broj 2350 od 05.11.2021.godine na ime H. E.,izvod iz kaznene evidencije za optuženu Ministarstvo pravde, ljudskih i manjinskih prava C.G. 07-0702-4741/22 od 25.03.2022.godine.T.G.

Optužena je u svom iskazu prilikom priznanja krivnje izjavila da mijenja izjavu o krivnji, i da se danas na glavnom pretresu izjašnjava da je kriva.

Branilac optužene advokat H.K. je izjavila da je njena branjenica priznala počinjenje krivičnog djela tj. činjenične navode optužnice Kantonalnog tužilaštva Zenica, te predlaže da sud isto cijeni kod utvrđivanja krivično pravne sankcije koju će izreći njenoj branjenici , s tim da predlaže da sud cijeni i činjenicu da je do sada neosuđivana, a prema izjavi optužene sama se predala na graničnom prelazu u P. - Graničnoj policiji, obzirom da je znala za posljedice optužnice koja joj se stavlja na teret. Također ističe da je porodična majka dvoje djece, te prema izjavi iskreno se kaje zbog dešavanja sa bivšim mužem H.E., i da se to ubuduće neće dešavati.

Sud je ovo priznanje krivnje optužene ocijenio kao jasno, iskreno i nedvosmisleno ničim uslovljeno tako da je priznanje optužene u saglasnosti sa materijalnim dokazima, naprijed navedenim, u koje je sud izvršio uvid, na osnovu čega van svake sumnje proističe da je optužena ostvarila sva bitna obilježja bića krivičnog djela koje joj se stavlja na teret, odnosno krivično djelo nasilje u porodici iz člana 222. stav 1. KZ FBiH.

Po ocjeni suda optužena je navedeno predmetno krivično djelo učinila direktnim umišljajem jer je bila svjesna svog djela i htjela je njegovo izvršenje, a sud je utvrdio da je optužena prilikom izvršenja krivičnog djela bila uračunljiva, jer predloženim dokazima nije dovedena u sumnju mogućnost optužene da shvati značaj svog djela i da upravlja svojim postupcima u

vrijeme izvršenja djela, te su se u njenim radnjama stekla sva bitna obilježja bića krivičnog djela nasilje u porodici iz člana 222 stav 1.KZ FBiH.

Prilikom izricanja krivično pravne sankcije sud je cijenio optuženoj H.S.F. kao olakšavajuće okolnosti činjenicu da je priznala izvršenje krivičnog djela koje joj se stavlja na teret, čime je u mnogome doprinjela utvrđivanju činjeničnog stanja i skraćanju krivičnog postupka, kao i okolnosti koje je optužena navela u svom iskazu prilikom priznanja krivnje, te činjenicu da optužena do sada nije ranije osuđivana. Dok sud otežavajućih okolnosti nije našao. Cijeneći utvrđene okolnosti na strani optužene, sud je optuženoj H.S.F. za navedeno krivično djelo utvrdio kaznu zatvora u trajanju od 2(dva) mjeseca, koja kazna se neće izvršiti ako optužena u roku od 1(jedne)godine ne počini novo krivično djelo. Po mišljenju ovog suda izrečena sankcija s razmjerna je stepenu odgovornosti optuženog i težini počinjenog krivičnog djela koje joj se stavlja na na teret, te će se istom postići svrha kažnjavanja, kako sa aspekta generalne, tako i specijalne prevencije predviđena članom 42. KZ FBiH.

Na osnovu člana 202. stav 4. Zakona o krivičnom postupku Federacije Bosne i Hercegovine (Službene novine FBiH broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20), sud je oslobodio optuženu plaćanja troškova krivičnog postupka i isti padaju na teret budžetskih sredstava.

Sudija  
A.A.

**PRAVNA POUKA:**

Protiv ove presude dozvoljena je žalba Kantonalnom sudu Zenica u roku od 15 dana po prijemu iste, a žalba se podnosi ovom sudu u tri primjerka.